



Vre, sa bann zans in dereye

Depite Lider US, Msye Jacquelin Dugasse, ti en minis dan sa gouvèrnman ki ti perdi eleksyon an Oktob lannen pase. I ti promet Seselwa en proze lo Ile Aurore ki ti pou kas tou rikord lenvestisman me zanmen nanryen in materyalize. Apre ki nou'n ekout sa swadizan matematisyen US koze dan dernyen konferans-de-pres, nou kapab komans konpran enpe pli byen aköz Seselwa ti deside anvoy zot repoze dan dernyen eleksyon. Msye Dugasse in koz lo zis problem ki ansyen gouvèrnman in kit deryer e i insiste ki gouvèrnman LDS i rezourd tousala o pli vit posib. Dugasse i konvenki ki

se selman en gouvèrnman LDS ki kapab netway zot salte. Nou dakor avek li. In zis lamante: 'nou ti ekspekte gouvèrnman i met larzan dan pos Seselwa'... 'nou ti ekspekte zot vin ek en plan konpreansif'... zis en litani lekspektasyon koumsanmenm. Ennlè oule krwar i ti vot LDS.

In komanse par konplent ki LDS ti promet pour met larzan dan pos Seselwa. I konfize. LDS pe travay bra kase menm dan sa moman difisil koze par kovid-19 pour fer desann pri lavi. Ennde mezir in fini ganny anonse e pe ganny enplimante. Par kont, polisi pour met larzan dan pos Seselwa i en vye (kontinyasyon lo paz 2)



Konfizyon US lo Met Larzan dan Pos Seselwa

Ou kapab krwar? Dick fek dekouver dekadans sosyal?

Iannan en dikton ki dir dimoun i vwar salte dan lizye zot prosen kan i annan en plans dan zot prop lizye. Sekreter Zeneral US pe blanm ladministrasyon LDS pour annem dekadans sosyal dan pei. Zis en boug mantalman retarde ki kapab fer sa kalite remark. Mannyen en gouvèrnman i kapab annem en sanzman sosyal dan en pei anba en kondisyon pandemik kot tou aktivite sosyal i ganny determinen par sitiasyon pandemi dan pei? Eski dan lespri Msye Dick i an-



Laliny metadonn: en sosyete an dekadans

nan en boulon las oubyen i pa konnen ki i pou dir?

Dan en pei kot gran mazorite sitwayen i kreyen e kot preski san poursan popilasyon i relizye, i enkrwayab pou krwar ki nou premye dan lemond pou konsomasyon drog, konsomasyon lalkol i enkyetan, vyolans domestik i en aktivite toulezour, labi seksyel lo zanf an i ogmante, divors pa diminyen, fanmir kase in vin normal e tou dernyerman swisid in vin en vre fleo. Kote nou'n al mal?

(kontinyasyon lo paz 2)

Lopozisyon i blanm zot sor lo kovid

Konmela bokou dimoun i konnen kote pou met blanm ler keksoz pa marse: blanm tou keksoz lo Kovid. Se ekzakteman sa ki lider US in fer. In dir Kovid pe met lopozisyon retar. In plito fer dimoun riye. Ler i napa en nide manner pou manevre dan lopozisyon, i blanm tou lo kovid. Sepoutan Dokter Herminie in fer plis konferans de pres dan sis mwan ki son parti in fer dan 50-an. I pou ganny plis letan ankor lo televizyon e radyo aköz SBC

pe donn tou parti politik en program tou le mwan. Omwen kot i konsern loportinite pou adres Seselwa, i pa kapab blanm Kovid me ki zot pou dir?

Zot in deside lager kont sanzman. LDS ti promet Seselwa en nouvo Sesel e Seselwa ti tandé. Seselwa ti vot pour en sanzman an Oktob lannen pase e US i oule lager kont sa. Zis zot mirmire san ses. Zot Sekreter Zeneral pe konplent amor ki LDS pe depouy sistenm ki US in met an plas par morso. Son leker i fermal.



LDS in tras larout ver en nouvo Sesel

Efektivman, vre sanzman se depouy sa sistenm satanik par morso e se sa ki gouvernman LDS pe fer aköz se sa ki Seselwa ti vote pour zot fer. I menm annan siporter LDS ki krwar

ki sa sanzman pa ase vit. I parret ki US pa konpran ki save-dir sanzman. Si zot oule reste relevan dan politik Sesel, in ler pour zot mat zot e aret blanm tou keksoz lo Kovid.

Vre, sa bann zans in dereye

polisi gouvernman US. Ansyen Prezidan James Michel ti promet pour met larzan dan pos Seselwa me ki'n arive?

Ler LDS ti pran gouvernman an Oktob lannen pase, tre pe Seselwa ti annan larzan dan zot pos. De milye ti pe depan lo welfer, en karo ti pe depan lo kart STC pour ganny enpe manze, de milye i ankor an retar avek zot repeyman lakaz e i annan ki pa pey ditou, i annan fanmir antye ki ti pe depan antyerman lo gouvernman menm si zot for e kapab travay. Sa gouvernman US pa ti pe met larzan dan pos okenn Seselwa. Okontré zot in fer sir ki Seselwa napa larzan dan pos pour zot kapab manipil Seselwa manner zot oule. Zot kontan letan i annan Seselwa vilnerab. Si zot ti'n met larzan dan pos Seselwa, ti pou napa nesite annan en bidze plis ki en bilyon roupri pou soutenir bann ki vilnerab. Eski LDS pou met larzan dan pos Seselwa? Ser-tennman non. Napa okenn par ki donn larzan kado.

Ki LDS pou fer se ofer loportinite pour tou Seselwa kree larises. Se par travay dir ki Seselwa a met larzan dan son prop pos e personn pa pou bezwen viv par lasarite gouvernman oubyen politisyen. Tou dimoun ki kapab travay pou bezwen travay pou garanti ki pei i kree plis larises pou byennet tou Seselwa. Ler ou larzan i dan ou pos, ou pa bezwen al met lalinny e ranpli okenn form pour ou kapab ganny enpe manze. Anmezir ki

sitiasyon kovid-19 i amelyore, Seselwa pou komans vwar rezilta sa nouvo fason fer ki pou anmenn plis larises pour sak Seselwa.

Msyé Dugasse i kontinyen gele menm. 'Tir sa bann lobstak ki pe anpes biznes bouze'; 'amelyor 'ease of doing business' - nek i konplent menm. In oublie pou dir se bann polisi ansyen gouvernman ki LDS i bezwen eskente pour sanze e anmenn en nouvo fason fer. Zot konnen problemn se zot ki'n kree. Olye reste trankil, zot zis irlé menm.

Msyé Dugasse i konnen pou dir dan sa sak ponmdeter ki LDS ti erite an Oktob lannen pase ti annan bokou ki pouri ladan. Prezan i pe kriy lasasen pou dir ponmdeter pa ti pouri avek zot. 'Retir nou sekte finansyel lo sa lalis nwan'. Nek i kriye menm. Eski in oublie ki Sesel ti ganny mete lo sa lalis nwan anba direksyon Msyé Danny Faure? Gouvernman LDS pou retir Sesel dan sa salte tre byento. Met ou zorey apik pour sa bon nouvel Msyé Depite!

Finalman Msyé Dugasse i kriye e dir gouvernman i tro gra. Douz minis tro bokou i dir. Dapre li zis minis ki fer gouvernman gra. Avek restriktirasyon, gouvernman LDS in ferm plizyer bord, aboli tou pos konseye spesyal, diminyen la kantite sekreter prensipal, aboli serten seksyon, entegre plizyer lazans dan bann minister e lezot sanzman ankor. Tou sa degrese ki gouvernman pe degrese i pa vwar menm. Kwal I sourd sa boug oubyen i pa vwar kler.

Ou kapab krwar? Dick fek ...

Dekadans sosyal pa ariv dizour a lannmen. I pran letan; plizyer lannen. Dan ka Sesel, manner nou'n ariv dan sa sitiasyon ozordi? Apre koudeta, rezim sosyalis ti deside fer Sesel vin en laboratwar sosyal. Zot bi sete pou transform sosyete Seselwa e endoktrin lazene a travers servis nasyonal. Zot ti oule ki tou Seselwa i enplimant filozofi sosyalis. Pour sa arive, zot ti bezwen kas fanmir Seselwa: zot ti retir bann vye paran e met zot dan lakour bann dimoun aze ki zot ti konstri enpe partou e bann zenn ti ganny retire avek zot fanmir e met dan bann vilaz pour endoktrinasyon. Avek sa laranzman, fanmir Seselwa in dezintegre kot paran e gran paran nepli kapab egzers lenfliyans lo zanfan sirtou dan bann lannen kritik zot lavi adolesan.



Msyé Dick in bite vre

Sistenm sosyalis Albert in briz striktir lafanmir totalman kot lobeisans ti anver leta sosyalis e non pa anver bann pli aze dan lafanmir e sosyete.

Anplis ki sa, bann dirizan politik a tou nivo dan pei in rezet tou valer moral sosyete tradisyonnell Seselwa. Zot in menm anpes lenstriksyon relizye dan bann lenstitisyon skoler e ranplas bann dimans bomaten avek travay vo-

lonter zis pou dekouraz dimoun al lanmes. Prezidan e bann o dirizan pa'n zanmen kapab vin en legzanp lafanmir solid. Divors e separasyon ti'n vin en norm. Evidaman sa latitid in propaze e nou'n ariv kot nou été ozordi. Bokou Seselwa nepli mazinez zot annan frer ek ser. Solidarite fanmir pa egziste. Koman zot annan en pti problemn zot tay kot gouvernman olye rod sipor avek zot fanmir pli pros.

Gouvernman LDS i konpran lenportans en fanmir solid a la baz en kominote solid ensi ki nesite pou kree kondisyon ki ava adres sa dekadans sosyal ki egziste ozordi. I pa pou fasil me sa i en langazman ki sa nouvo gouvernman in pran pou redres bann fleo ki gouvernman US pa'n kapab anpes devlope.